

**სსიპ “საქართველოს ეროვნული ბანკის”
სატენდერო კომისიის სხდომის
ოქმი N1**

20 დეკემბერი, 2016 წელი

სხდომას ესწრებოდნენ:

1. გიორგი მელაშვილი – კომისიის თავმჯდომარე;
2. სალომე სხირტლაძე – კომისიის წევრი;
3. ნათია გვაზავა – კომისიის წევრი;
4. ივანე ჯავრიშვილი – კომისიის წევრი;
5. გიორგი მელაშვილი – კომისიის წევრი.

სხდომას არ ესწრებოდა კომისიის წევრი გიორგი ლალიაშვილი, ვინაიდან იმყოფებოდა შვებულებაში.

დღის წესრიგი: 1. საქართველოს ეროვნული ბანკის საკუთრებაში არსებული მიწის ნაკვეთის და შენობის შეფასების მომსახურების (CPV დანაყოფი: 79400000) შესყიდვის მიზნით გამოსაცხადებელი გამარტივებული ელექტრონული ტენდერის სატენდერო დოკუმენტაციის განხილვა და დამტკიცება.

სატენდერო კომისიის წევრებმა განიხილეს წარმოდგენილი დოკუმენტაცია. განსაკუთრებული ყურადღება გამახვილდა იმ გარემოებაზე, რომ დოკუმენტაციაში არ არის მოთხოვნა ფასწარმოქმნის ადეკვატურობის დასაბუთების წარმოდგენის ვალდებულების შესახებ იმ შემთხვევაში, თუ ტენდერში ყველაზე დაბალი ფასის წინადადების მქონე პრეტენდენტის მიერ სისტემაში დაფიქსირებული საბოლოო ფასი 20%-ით ან მეტით დაბალი იქნება შესყიდვის ობიექტის სავარაუდო ღირებულებაზე.

განხილვისას აღინიშნა, რომ შესყიდვის ობიექტი წარმოადგენს სპეციფიურ მომსახურებას, არ მოითხოვს მიმწოდებლისგან დამატებითი მატერიალური რესურსების (მასალები, მოწყობილობა-დანადგარები და სხვა) გარე მიმწოდებლებისგან შეძენას და, შესაბამისად, დამატებითი ხარჯების გაწევას. როგორც წესი, მიმწოდებლის, რომელიც მომხმარებელს სთავაზობს ამგვარ მომსახურებას, ფასწარმოქმნის და ფასდაკლებების (დისკუნტების) პოლიტიკა საკმაოდ მოქნილია და თითოეულ კონკრეტულ შემთხვევაში ეყრდნობა მის გლობალურ მიზნებს და ინტერესებს, როგორიცაა: ბიზნესის განვითარება, ახალი ბაზრების ათვისება, რეპუტაციის და ცნობადობის ამაღლება და ა.შ.

ყოველივე ზემოაღნიშნულიდან გამომდინარე კომისიის წევრებმა მიზანშეწონილად ჩათვალეს, რომ „გამარტივებული ელექტრონული ტენდერისა და ელექტრონული ტენდერის ჩატარების წესის“ მე-9 მუხლის, 1¹ პუნქტის შესაბამისად, ამ კონკრეტული შესყიდვის თავისებურებიდან გამომდინარე, არ იქნას გათვალისწინებული სატენდერო დოკუმენტაციაში ფასწარმოქმნის ადეკვატურობის დასაბუთების ვალდებულება და აღნიშნეს, რომ სატენდერო დოკუმენტაცია შედგენილია სახელმწიფო შესყიდვების მარეგულირებელი კანონმდებლობის მოთხოვნების დაცვით.

განხილვის შედეგად კომისიამ დაადგინა:

1. დამტკიცდეს საქართველოს ეროვნული ბანკის საკუთრებაში მყოფი მიწის ნაკვეთის და შენობის შეფასების მომსახურების შესასყიდად გამოსაცხადებელი გამარტივებული ელექტრონული ტენდერის (სავარაუდო ღირებულება 350 ლარი) სატენდერო დოკუმენტაცია;
2. დაევალოს სატენდერო კომისიის აპარატს უზრუნველყოს ტენდერის ჩატარების შესახებ განცხადების და სატენდერო დოკუმენტაციის განთავსება სახელმწიფო შესყიდვების ერთიან ელექტრონულ სისტემაში;
3. სატენდერო დოკუმენტაცია ჩაითვალოს წინამდებარე ოქმის განუყოფელ ნაწილად.

კომისიის თავმჯდომარე _____ გიორგი მელაშვილი
 კომისიის წევრები: _____ სალომე სხირტლაძე

_____ ნათია გვაზავა
 _____ ივანე ჯავრიშვილი

_____ გიორგი მელაშვილი

მოამზადა სატენდერო
 კომისიის აპარატმა:

ზ. ღონღაძე _____
 ნ. ჩუხრუკიძე _____
 დ. ჭელიძე _____